

**C o m i s s ã o
N a c i o n a l d e
E l e i ç õ e s**

Avenida Bispo de Madeiros,
Kintal Bo'ot, Dili, Timor-Leste
Telefone: 3310082

Hamrik iha Imparsialidade, Independensia no Transparansia nia Leten

AVIZU CNE

Nº 679/RE-CNE/VII/2007


Kona-ba

Resultadu Apuramentu Nasional (Provizóriu) husi Eleisaun Parlamentar 30 de Junho de 2007

Iha Sabadu, loron 30 Juñu tinan 2007, Timor-Leste hala'o eleisaun legislativu ba dahuluk desde proklamasau restaurasaun ninia independensia iha tinan 2002. Eleisaun ne'e hala'o iha fatin votasaun hamotuk 708, ne'ebe namkari iha rai Timor-Leste laran tomak, no atu hili deputadu hamotuk na'in 65 ba Parlamento Nasional, ne'ebe tuir mai sei hari governu mak atu ukun nasaun doben ne'e iha tinan lima makmain.

Durante oras sia nia laran, hahu'u husi tuku 07.00 dakesan to'o tuku 16.00 lorokraik, votante sira nadodon ba iha fatin votasaun ida-idak hodi ezerse sira nia direitu vota. Hafoin remata tiha prosesu votasaun, ho akompañamentu husi UNPOL/PNTL, material sensitivu tomak tula iha kareta, ka helikopter, ka hasan husi ema, hodi ba iha sede distritu ida-idak, no Assembleia Apuramentu Distrital (AAD) hahu'u ho resepsaun. Iha Domingo, loron ida, Fulan Julho, AAD foin hahu'u ho kontazein no apuramentu distrital, ne'ebe tuir artigu 46 Lei nº 06/2006, alterada husi 1ª Alteração da Lei nº 6/2006, Lei nº 06/2007, artigu 8º, tenki hala'o iha distritu ida-idak.

Ho durasaun servisu oras sanulu resin lima nia laran, hahu'u husi tuku 07.00 dakesan to'o tuku 22.00 kalan, iha loron ida, AAD konsege halo remata prosesu kontazein no apuramentu distrital iha media loron tolu ho balu nia laran; Oecussi lori loron rua, sai nudar mak lais liu, no Dili lori loron lima nia laran, nudar mak ikus liu, ne'ebe termina iha Kinta-Feira, loron 5 Fulan-Jullu.



Comissão Nacional de Eleições

Avenida Bispo de Madeiros,
Kintal Bo'ot, Dili, Timor-Leste
Telefone: 3310082

Hamrik iha Imparsialidade, Independensia no Transparansia nia Leten


Rezultadu kontazein no apuramentu distrital tomak ikus liu, ne'e husi Distrito Dili nian, to'o iha sede CNE, Dili, iha Kinta-Feira, loron 5, Fulan-Jullu, tuku 18.34.

Iha Sexta-Feira, loron 6 Fulan-Julho tinan 2007, tuku 11:20 daresan, CNE hahu'u hala'o apuramento nasional ba rezultadu provizóriu sira husi Eleisaun Parlamentar nian iha sede CNE, Dili. Iha prosesu ne'e, ho kuidadu tebtebes, CNE halo apresiasaun, analize, verifikasaun ba aktas husi distritu nian sira, no hola desizaun final kona-ba votus nulus, votus reklamadus, no problema diskrepansia numerika sira ne'ebe mak iha, husi distritu sanulu resin tolu nian. Husi votus nulus no reklamadus hamotuk 10,232, ne'ebe mai husi distritu sanulu resin tolu nian no verifikadu iha prosesu apuramentu nasional ne'e, iha hamotuk 2,925 (28, 59 %) mak desididu validu, ho numeru varia tuir partidu politiku ida-idak, no 7,307 (71,41 %) sai nafatin nudar votus nulus.

Ho durasaun servisu oras sanulu resin nen nia laran iha loron ida, hahu'u husi tuku ualu (08.00) daresan to'o tuku sanulu resin rua (24.00) kalan, prosesu verifikasaun no desizaun ba votus nulu no reklamadu sira finalmente remata iha loron 7 Fulan-Julho, tuku sanulu resin rua kalan. Ne'e signifika katak iha oras hamotuk 36, liu minutu 40, mak CNE presiza hodi halo remata prosesu apresiasaun no desizaun ba votu nulu no votu reklamadu sira.

Tuir fali mai, CNE halo introdusaun ba *base de dados* rezultadu eleisaun legislativu tuir distritu ida-idak: número total eleitor sira mak rejistradus, número total eleitor sira mak mai vota, total votos válidos tuir partidu politiku no koligasaun partidária, total votos nulos, no total votos brancos. Hafoin tiha ida ne'e, mak foin halo konsolidasaun rezultadu tomak nível nasional nian, ne'ebe remata ho elaborasaun aktas finais distritais nian, no akta final nasional. Ne'e CNE hala'o hodi sehik, Domingu, loron 8 Fulan-Jullu, tinan 2007, iha tempu dadarsan tomak.

Ba eleisaun legislativu ne'e, prosesu apuramentu nasional inkluin mos aktividade sira hanesan kalkulasaun bareira eleitoral ba partidu no koligasaun partidaria sira, aplikasaun formula



Comissão Nacional de Eleições

Avenida Bispo de Madeiros,
Kintal Bo'ot, Dili, Timor-Leste
Telefone: 3310082

Hamrik iha Imparsialidade, Independensia no Transparansia nia Leten

d'Hondt ba numeru votus validus mak hetan husi partidu no koligasaun partidaria sira, ordenasaun no atribuisaun mandatu lista, no hamosu iha lista naran kandidatu deputadu sira mak hetan mandatu tuir partidu no koligasaun partidaria ida-idak.


Kona-ba alokasaun asentu, CNE hahu'u ho konversaun votos válidos, ne'ebe hetan husi partidu polítiku no koligasaun partidária sira, ba mandatos, hanesan haruka husi 1ª Alteração da Lei no. 6/2006, Lei nº 06/2007, artigu 2, ne'ebe halo tuir sistema representasaun proporcional tuir método d'Hondt.

Nune'e ohin, Segunda-Feira, loron 9 Fulan-Jullu tinan 2007, tuku 11.20, CNE fo sai rezultadu apuramento nasional provisório ba Eleisaun Parlamentar nian, hamotuk mos ho distribuisaun mandatu sira ba Parlamento Nacional husi partidu polítiku no koligasaun partidária sira ida-idak, hanesan tuir mai.

Taxa partisipasaun no votus mak hetan

Husi eleitor sira mak tau naran iha resenseamentu eleitoral hamotuk 529,198, iha sira na'in 426,210 mak mai duni ezerse sira nia direitu vota iha loron eleisaun parlamentar. Ne'e signifika katak taxa partisipasaun ba eleisaun ne'e to'o 80,5 %. Husi total votu sira mak votante sira fo iha loron eleisaun ne'e, iha votus validus hamotuk 415,604 (97,51 %), ne'ebe hetan husi partidu no koligasaun partidaria sira; Votus brankus iha 2,636 (0.62 %); no votus nuluz hamotuk 7,970 (1,87 %).

Votus validus mak iha distritui tuir partidu no koligasaun partidaria sira, hanesan tuir mai ne'e.



Comissão Nacional de Eleições


Avenida Bispo de Madeiros,
Kintal Bo'ot, Dili, Timor-Leste
Telefone: 3310082

Hamrik iha Imparsialidade, Independensia no Transparansia nia Leten

Partidu / Koaligasaun	Votus Validus mak Hetan	%
1. URDERTIM	13,247	3.19%
2. CNRT	100,175	24.10%
3. PR	4,408	1.06%
4. PDRT	7,718	1.86%
5. PDC	4,300	1.03%
6. UDT	3,753	0.90%
7. PD	46,946	11.30%
8. PMD	2,878	0.69%
9. PST	3,982	0.96%
10. Coaligasao ASDT-PSD	65,358	15.73%
11. AD-KOTA-PPT	13294	3.20%
12. FRETILIN	120,592	29.02%
13. PNT	10,057	2.42%
14. PUN	18,896	4.55%
TOTAL	415,604	100%

Kalkulasaun barreira electoral 3 % husi votus validus

Konversaun votus validus, ne'ebe hetan husi partidu no koligasaun partidaria ida-idak, ba mandatus sei hahu'u ho kalkulasaun barreira electoral 3 % husi votus validus 415,604. Partidu polítiku no koligasaun partidaria sira ne'ebe hetan votus validus menus husi 12,468, nudar barreira eleitoral, la iha direito ba distribusaun mandatus, tuir artigu 13, Lei nº 06/2006 alterada ho 1ª Alteração da Lei Nº 6/2006, Lei nº 6/2007, artigu 2, ne'ebe hatur katak "listas sira ne'ebe hetan menus husi 3 % husi total votos válidos, hasai tiha votus brankus, la iha direito ba atribuisaun mandatus." Kalkulasaun ne'e hatudu katak iha partidu politiku hitu mak la konsege liu barreira 3 %, hanesan:



Comissão Nacional de Eleições

Avenida Bispo de Madeiros,
Kintal Bo'ot, Dili, Timor-Leste
Telefone: 3310082

Hamrik iha Imparsialidade, Independensia no Transparansia nia Leten


1. Partidu Republikanu (PR);
2. Partidu Demokrata Republika Timor (PDRT) ;
3. Partidu Demokratiku Cristao (PDC);
4. Uniao Democratica Timorese (UDT);
5. Partidu Mileniumj Demokratiku (PMD);
6. Partidu Sosialista Timorese; no
7. Partidu Nasionalista Timor (PNT).

Partidu politiku no koligasaun partidaria sira mak konsege liu barreira eleitoral, hanesan

1. Undertim;
2. CNRT;
3. PD;
4. Coligação ASDT-PSD;
5. A.D.-KOTA-PPT
6. Fretilin; no
7. PUN.

Atribuisaun mandatus ba listas kandidaturas husi partidu polítiku no koligasaun partidária sira

Hatur artigu 14.1 Lei nº 6/2006, ne'ebe hatur katak, *“Iha lista ida-idak mandatus sei fahe ba kandidatus tuir ordein presedênsia indikada iha pontu 2 artigu 12º”*, atribuisaun mandatus ba listas kandidaturas husi partidu polítiku no koligasaun partidária sira, sai hanesan tuir mai ne'e. Partidu Fretilin hetan mandatu hamotuk 21 (rua nulu resin ida); Partidu CNRT hetan 18 (sanulu resin ualu); Koligasaun ASDT/PSD hetan mandatus 11 (sanulu resin ida); Partidu PD hetan mandatus 8 (ualu); Partidu PUN hetan mandatus 3 (tolu); AD KOTA/PPT hetan mandatus 2 (rua); no Partidu Undertim hetan mandatus 2 (rua).



Comissão Nacional de Eleições

Avenida Bispo de Madeiros,
Kintal Bo'ot, Dili, Timor-Leste
Telefone: 3310082

Hamrik iha Imparsialidade, Independensia no Transparansia nia Leten

ATRIBUSAUN MANDATOS LISTA


FRETILIN	21
CNRT	18
ASDT-PSD	11
PD	8
PUN	3
AD KOTA-PPT	2
UNDERTIM	2
TOTAL MANDATOS	65

Naran kandidatu sira husi lista kandidatura Partidu no koligasaun partidaria sira mak hetan mandatu nudar deputadu ba Parlamento Nacional

1. Frente Revolucionária de Timor-Leste Independente (FRETILIN)

Bazeia ba rezultadu apuramento nasional provizóriu ne'e, naran kandidatu sira husi lista kandidatura Partidu Fretilin nian mak hetan mandatu nudar deputadu ba Parlamento Nacional, hanesan tuir mai ne'e.

<i>Candidato</i>		<i>Kartaun Eleitoral</i>
1	FRANCISCO GUTERRES	1003
2	MARI BIM AMUDE ALKATIRI	1001
3	ARSENIO PAIXAO BANO	601553
4	CIPRIANA DA COSTA PEREIRA	486838
5	JOAQUIM DOS SANTOS	627198
6	ANTONINHO BIANCO	562208
7	JACOB MARTINS DOS REIS FERNANDES	1004
8	ANA MARIA PESSOA PEREIRA DA SILVA PINTO	1002




**Comissão
Nacional de
Eleições**

Avenida Bispo de Madeiros,
Kintal Bo'ot, Dili, Timor-Leste
Telefone: 3310082

Hamrik iha Imparsialidade, Independensia no Transparansia nia Leten

9	ESTANISLAU DA CONCEICAO ALEIXO MARIA DA SILVA	612500
10	ANTONIO CARDOSO CALDAS MACHADO	460001
11	ANICETO LONGUINHOS GUTERRES LOPES	515230
12	ILDA MARIA DA CONCEICAO	1069
13	OSORIO FLORINDO DA CONCEICAO COSTA	574576
14	MARIA MAIA DOS REIS DA COSTA	542607
15	JOSE AUGUSTO FERNANDES TEIXEIRA	552647
16	DOMINGOS MARIA SARMENTO	564567
17	INACIO FREITAS MOREIRA	545780
18	FRANCISCO MIRANDA BRANCO	481926
19	DAVID DIAS XIMENES	564237
20	JOSEFA ALVARES PEREIRA SOARES	571786
21	FRANCISCO MARTINS DA COSTA P.JERONIMO	342611



Comissão Nacional de Eleições


Avenida Bispo de Madeiros,
Kintal Bo'ot, Dili, Timor-Leste
Telefone: 3310082

Hamrik iha Imparsialidade, Independensia no Transparansia nia Leten

2. Congresso Nacional de Reconstrução de Timor-Leste (CNRT)

Naran kandidatu sira husi lista kandidatura Partidu CNRT nian mak hetan mandatu nudar deputadu ba Parlamento Nacional, hanesan tuir mai ne'e.

<i>Candidato</i>		<i>Kartaun Eleitoral</i>
1	KAY RALLA XANANA GUSMAO	1023
2	VICENTE DA SILVA GUTERRES	759728
3	EDUARDO DE DEUS BARRETO	66466
4	CARMELITA CAETANO MONIZ	1119
5	VIRGILIO MARIA DIAS MARCAL	473845
6	MARIA TEREZINHA DIAS DA SILVA VIEGAS	1233
7	BRIGIDA ANTONIA CORREIA	634260
8	DUARTE NUNES	600254
9	PEDRO DOS MARTIRES DA COSTA	602440
10	CECILIO CAMINHA FREITAS	608873
11	NATALINO DOS SANTOS	600371
12	IDELTA MARIA RODRIGUES	569002
13	BENVINDA CATARINA RODRIGUES	141227
14	ADERITO HUGO DA COSTA	515526
15	ARAO NOE DE JESUS DA COSTA AMARAL	432528
16	PAULO DE FATIMA MARTINS	453570
17	ROMEU MOISES	577064
18	MARIA ROSA DA CAMARA	591207



Comissão Nacional de Eleições


Avenida Bispo de Madeiros,
Kintal Bo'ot, Dili, Timor-Leste
Telefone: 3310082

Hamrik iha Imparsialidade, Independensia no Transparansia nia Leten

3. Coligação ASDT/PSD (C-ASDT/PSD)

Naran kandidatu sira husi lista kandidatura Koligasaun ASDT/PSD nian mak hetan mandatu nudar deputadu ba Parlamento Nacional, hanesan tuir mai ne'e.

Candidato		<i>Kartaun Eleitoral</i>
1	MARIO VIEGAS CARRASCALAO	571484
2	FRANCISCO XAVIER DO AMARAL	651582
3	LUCIA MARIA B.F.LOBATO	529558
4	GIL DA COSTA A.N. ALVES	455675
5	ZACARIAS ALBANO DA COSTA	601387
6	ALBERTO DA SILVA CRUZ	553770
7	MARIA DA PAIXAO DE JESUS DA COSTA	575638
8	TERESA DA CONCEICAO AMARAL	454014
9	VIDAL DE JESUS	559937
10	JOSE MANUEL C.V. CARRASCALAO	300575
11	MARIA DA COSTA EXPOSTO	79698



Comissão Nacional de Eleições

Avenida Bispo de Madeiros,
Kintal Bo'ot, Dili, Timor-Leste
Telefone: 3310082

Hamrik iha Imparsialidade, Independensia no Transparansia nia Leten

4. Partido Democratico (PD)


Naran kandidatu sira husi lista kandidatura **Partido Democratico (PD)** nian mak hetan mandatu nudar deputadu ba Parlamento Nacional, hanesan tuir mai ne'e.

<i>Candidato</i>		<i>Kartaun Eleitoral</i>
1	FERNANDO LA SAMA DE ARAUJO	757153
2	MARIANO ASSANAMI SABINO	514269
3	ADRIANO DO NASCIMENTO	578396
4	TERESA MARIA DE CARVALHO	553455
5	GABRIEL XIMENES FITUN	15090
6	VITAL DOS SANTOS	788386
7	LUCAS DA COSTA	1096
8	GERTRUDES ARAUJO MONIZ	612057

5. Partido Unidade Nacional (PUN)

Naran kandidatu sira husi lista kandidatura **Partido Unidade Nacional (PUN)** nian mak hetan mandatu nudar deputadu ba Parlamento Nacional, hanesan tuir mai ne'e.

<i>Candidato</i>		<i>Kartaun Eleitoral</i>
1	FERNANDA MESQUITA BORGES	663426
2	JOSE DOS REIS FRANCISCO ABEL	486273
3	MATEUS DE JESUS	230544



**Comissão
Nacional de
Eleições**

Avenida Bispo de Madeiros,
Kintal Bo'ot, Dili, Timor-Leste
Telefone: 3310082

Hamrik iha Imparsialidade, Independensia no Transparansia nia Leten

6. Aliança Democrática KOTA/PPT (A.D.-KOTA/PPT)


Naran kandidatu sira husi lista kandidatura **Aliança Democrática KOTA/PPT (A.D.-KOTA/PPT)** nian mak hetan mandatu nudar deputadu ba Parlamento Nacional, hanesan tuir mai ne'e.

<i>Candidato</i>		<i>Kartaun Eleitoral</i>
1	MANUEL TILMAN	45430
2	JACOB XAVIER	483418

7. Partido Unidade Nacional Democrática da Resistência Timorese (UNDERTIM)

Naran kandidatu sira husi lista kandidatura **Partido Unidade Nacional Democrática da Resistência Timorese (UNDERTIM)** nian mak hetan mandatu nudar deputadu ba Parlamento Nacional, hanesan tuir mai ne'e.

<i>Candidato</i>		<i>Kartaun Eleitoral</i>
1	CORNELIO DA CONCEICAO GAMA	652099
2	FAUSTINO DOS SANTOS	558091



Comissão Nacional de Eleições


Avenida Bispo de Madeiros,
Kintal Bo'ot, Dili, Timor-Leste
Telefone: 3310082

Hamrik iha Imparsialidade, Independensia no Transparansia nia Leten

Partisipasaun fetonian

Ba eleisaun parlamentar ne'e, partisipasaun fetonian iha 47 %, enkuantu partisipasaun mane iha 53%. Rezultadu konversaun votus ba mandatos hatudu katak iha kandidatu fetonain 17, mai husi lista candidatura partidu hat no koligasaun partidaria ida, ho variasaun nemru, mak konsege hetan mandatu ba deputada iha Parlamento Nacional. Hodi liafuan seluk, iha 26,15 % husi total mandatu 65 mak mai husi fetonian.

Partidu/Koligasaun	Numeru Fetonian hetan mandatu
1. Frente Revolucionária de Timor-Leste Independente (FRETILIN)	5 (lima)
2. Congresso Nacional de Reconstrução de Timor-Leste (CNRT)	5 (lima)
3. Coligação ASDT/PSD (C-ASDT/PSD)	4 (hat)
4. Partido Democrático (PD)	2 (dua)
5. Partido Unidade Nacional (PUN)	1 (ida)
6. Aliança Democrática KOTA/PPT (A.D.-KOTA/PPT)	0 (mamuk)
7. Partido Unidade Nacional Democrática da Resistência Timorese (UNDERTIM)	0 (mamuk)



Comissão Nacional de Eleições

Avenida Bispo de Madeiros,
Kintal Bo'ot, Dili, Timor-Leste
Telefone: 3310082

Hamrik iha Imparsialidade, Independensia no Transparansia nia Leten


Keixas mak tama

Durante prosesu eleisaun parlamentar tomak, to'o loron 8 Fulan-Jullu, tuku 17.00 lorokraik, CNE simu keixa sira hamotuk 83 (ualu nulu resin tolu). Husi numeru keixa sira ne'e, hafoin liu tiha husi prosesu analize, iha keixa hamotuk 29 mak partisipa ba Ministeriu Publiku. Maioria husi keixa sira ne'e hato'o husi partidu politiku sira kontra partidu politiku sira seluk no kona-ba hahalok provokasaun no intimidasaun.

Hatuir Lei Eleitoral N°.6 /2006, ohin kedas, CNE haruka kópia Acta Final Apuramento Nacional ba STAE no ba Órganizasaun Komunikaun Sosial. CNE mos sei haruka kópias husi Acta Apuramento Nacional Provisório ba Tribunal de Recurso.

Tuir artigu 49 Lei Eleitoral n° 6/2006, alterada husi 1ª Alteração da Lei n° 06/2006, Lei n° 6/2007, artigu 10, parte sira ne'ebe interesada iha tempu oras 48 nia laran atu hato'o rekursu kona-ba rezultadu apuramentu nasional provisóriu ba Tribunal de Recurso hafoin CNE hateten sai publikamente no afixa Resultados Nacionais Provizórios. Hafoin iha ona desizaun kona-ba rekursus, karik iha rekursu, CNE sei haruka ba Tribunal de Recurso Acta Final Apuramento Nacional ba Eleisaun Parlamentar hamotuk ho Actas Apuramento Distrital sira tomak, nune'e mos ho acta kona-ba konversaun votus ba mandatus ne'ebe hala'o tuir sistema representasaun proporsional tuir métodu d'Hondt.

Ikus mai, hodi CNE nia naran, ha'u hakarak hato'o felisitasaun ba Sidadaun Timor-Leste tomak, feto no mane, katuas/ferik no jovein sira tomak, tamba imi nia matenek, imi nia maturidade politika, imi nia sensibilidade sivika tomak ne'ebe hatudu iha periodu molok no durante eleisaun parlamentar hola fatin. Ne'e hotu, dala ida tan, marka iha istoria nudar susesu imi tomak nian, ita tomak nian, sidadaun tomak nian ba prosesu hametin instituisaun demokratiku iha Timor-Leste nudar nasaun independente no soberanu. Ho naran CNE nian, ha'u mos hakarak felisita ba STAE, ba operador sira, ofisial eleitoral sira tomak, brigada sira hotu, membru Assembleia Apuramentu Distrital tomak, ba knar, reponsabilidade no dedikasaun sira ne'ebe mak imi asume



Comissão Nacional de Eleições

Avenida Bispo de Madeiros,
Kintal Bo'ot, Dili, Timor-Leste
Telefone: 3310082

Hamrik iha Imparsialidade, Independensia no Transparansia nia Leten

no hala'o atu bele posibilita lala'ok eleisaun parlamentar nian, ba Policia Nacional de Timor-Leste (PNTL), ba United Nations Police (UNPOL), ba Forças Internacionais para Estabilidade (FIS) no F-FDTL kona-ba seguransa durante prosesu eleitoral no seguransa ba material eleitoral tomak. Nune'e mos la haluha ami nia agradesimentu ba apoiu no kooperasaun diak husi parte Nações Unidas nian, liliu ba pesoal apoiu husi unidade eleitoral nian, ba servisu hamotuk ho orgaun eleitoral sira ne'ebe mak iha. Ikus liu, ami nia agradesimentu mos hato'o ba doador sira, ba media sira no observador sira, tamba imi tomak nia apoiu, prezensa no partisipasaun iha prosesu eleitoral ne'e signifikativu tebtebes ba prosesu dezeinvolvimentu no fortalecimento instituisaun demokratiku iha nasaun Timor-Leste. Obrigadu, no Maromak sei abensoa ita hotu.
Amin

Dili, 09 de Julho de 2007

Faustino Cardoso Gomes
Presidente CNE